

INUIT ATAQATIGIIT

INATSISARTUNI



UKA 2013/83.1
22. oktober 2013
kvk

Dansk Institut for Internationale Studier, DIIS, pillugu inatsisip Kalaallit Nunaannut atortuulersinneqarnissaanut Naalakkersuisut peqquneqarnissaannut Inatsisartut aalajangiiffigisassaattut siunnersuut, tassa imaalisinnaangorlugu Inatsisartut Naalakkersuisullu DIIS-miit nalunaarutinik nassuiaatinillu piniarsinnaangorlugit, Inatsisartut Naalakkersuisullu DIIS-imik atuisinnaanerat annertusarlugu.

(Inatsisartunut ilaasortaq Sara Olsvig Inuit Ataqatigiit)

Sara Olsvig-ip siunnersuutaa manna Inuit Ataqatigiit-niit iluatinnartorujussuurtut isigaarput. Massakkut DIIS-ip Issittumut tunngasunik ilisimatuussutsikkut apeqqutinillu pingaarutilinik qulaajaasarnikkut immikkut sammisaqartussatut aalajangiiffigineqarsimanera qujaruttariaqarsoraarput, Nunatsinni Inatsisartut Naalakkersuisullu apeqqutinik annertuunik qulaajangassaqaartillugu suliakkiisinnaangorsinnaanissaat iluatinnaqimmat.

Matumani nunatsinni ilisimatusarfiit assigiinngitsut qulaajaanerni qitiusumik inissisimanissaannik isuma apeqquserneqanngilaq, siunnersuutilli iluatinnaqutaasa ilagaat DIIS nunatsinni ingerlatsivinnut naleqqiullugu angisoorujussuummat aammalu iluaqutigineqarsinnaanera qularnanngimmat.

Apeqqutini pingaarutilinni eqqortunik, tutsuiginartunik misissueqqissarnermillu aallavilinnik tunngaveqartariaqarneq isumaqarpugut apeqquserneqarsinnaangitsoq.

DIIS pillugu Inatsisip nunatsinnut atuutsilerneqarnissaanik Naalakkersuisut suliniuteqarnissaannik siunnersuut Inuit Ataqatigiit-nniit tamakkiisumik taperserparput.